

p. 287 line 4【聞是經受持者】蓮池《阿彌陀經疏鈔》卷4：「【疏】聞是經者。牒上依正信願。持名往生等。聞受持。即前三慧三資糧故。【鈔】聞即聞慧。受即思慧。持即修慧。聞即信義。受即願義。持即行義。詳見前釋。【疏】聞諸佛名。牒上六方諸佛名也。聞經受持。聞佛名者。亦應受持故。【鈔】問：此經聞阿彌陀佛名號為往生因。何兼諸佛？答：彌陀功德為恒沙諸佛之所共讚。則聞諸佛名。知諸佛讚。信受此經。倍復親切。故雙舉也。華嚴第六迴向云。復於佛所得聞佛名。轉更值遇無數諸佛。即聞此經。又聞諸佛名之意也。」(X22, p. 676, b21-c7)

p. 288 line 5【文二釋】一約聞經，二約持名釋「護念」。又《要解》云：聞經受持。即執持名號。故知「信願持名」=以「三慧」受持《阿彌陀經》；皆得諸佛護念，皆得不退轉。

p. 288 line 6【所詮有三】1. 心要；2. 境要；3. 法門要。

1. 無上心要—自、生。能念之心性，諸佛之本源、萬法之理體、第一義諦。
2. 諸佛名字— $\begin{matrix} \updownarrow & \updownarrow \\ \text{他} & \text{佛} \end{matrix}$ 。念彌陀一佛，即念一切諸佛。諸佛釋迦皆以阿彌為自。
3. 無上圓滿究竟萬德—自他、生佛不二。智、斷德、心性究竟，三德圓證。

此三德為諸佛共證、眾生同具。能念之心、所念所聞之佛名皆不離三德。

p. 289 line 4【占察善惡業報經】二卷。隋·菩提燈（登）譯，又稱《占察經》。上卷闡明使用木輪相占察善惡宿世業、現世苦樂吉凶等事的方法；並說若有惡業、苦果、凶事出現，禮懺地藏菩薩，便能滅罪除障。下卷說大乘之實義。謂欲歸向大乘者，首先應知所行根本的一實境界；而學習此境界的方法，有唯心識觀及真如實觀二種觀道。若依此信解不能進趣者，則應修淨土往生法。智旭著有《占察經玄義》一卷、《占察經義疏》二卷、《占察經行法》一卷等，皆為本經的註釋書。～《中華佛教百科全書》

《占察善惡業報經》卷2：「若人欲生他方現在淨佛國者，應當隨彼世界佛之名字，專意誦念，一心不亂。如上觀察者，決定得生彼佛淨國，善根增長，速獲不退。當知如上一心繫念思惟諸佛平等法身，一切善根中，其業最勝。所謂勤修習者，漸漸能向一行三昧。若到一行三昧者，則成廣大微妙行心，名得相似無生法忍。以能得聞我名字故，亦能得聞十方諸佛名字故；以能至心禮拜供養我故，亦能至心禮拜供養十方諸佛故。以能得聞大乘深經故，能執持書寫供養恭敬大乘深經故，能受持讀誦大乘深經故。能於究竟甚深第一實義中不生怖畏，遠離誹謗，得正見心，能信解故。決定除滅諸罪障故，現

證無量功德聚故。所以者何？謂無分別菩提心，寂靜智現，起發方便業，種種願行故。能聞我名者，謂得決定信利益行故。乃至一切所能者，皆得不退一乘因故。若雜亂垢心，雖復稱誦我之名字，而不名為聞。以不能生決定信解，但獲世間善報，不得廣大深妙利益。如是雜亂垢心，隨其所修一切諸善，皆不能得深大利益。」 (T17, p. 908, c28-p. 909, a19)

p. 289 line -1【**性具性量性體**】《淨土生無生論》卷1：「一真法界即眾生本有心性，此之心性具無量德，受無量名。云何具無量德？舉要言之，謂性體、性量、性具。云何性體？謂此心性，離四句、絕百非，體性堅凝，清淨無染，不生不滅，常住無壞。云何性量？此心性豎窮三世，橫遍十方，世界有邊，虛空無邊。虛空有邊，心性無邊。現在有邊，過未無邊。過未有邊，心性無邊。無盡無盡、無量無量。云何性具？謂此心性具十法界。…此之三法亦名三諦：性體即真諦，性量即中諦，性具即俗諦。…性量無相，是為真諦。…性具十界是為俗諦。…離即離非，是即非即，性體是為中諦。」 (T47, p. 381, b8-16)

p. 291 line 6【**金剛三論**】《金剛般若波羅蜜經論》三卷，天親菩薩造，北魏菩提流支譯。收於大正藏第二十五冊。本書為無著所造之《金剛般若經論頌》之註釋書。無著別造有隋代達磨笈多所譯之《金剛般若論》（二卷或三卷）～《佛光大辭典》

p. 291 line 6【**根熟菩薩**】《金剛般若波羅蜜經論》卷1：「【經】善護念諸菩薩。善付囑諸菩薩。【論】論曰。善護念者。依根熟菩薩說。善付囑者。依根未熟菩薩說。云何善護念諸菩薩。…謂於菩薩身中與智慧力。令成就佛法故。又彼菩薩攝取眾生。與教化力。是名善護念。應知。」 (T25, p. 781, b21-c1) 菩提流支譯《金剛仙論》卷1：「汎論菩薩有二種：一者初地以上，出世間菩薩。二者地前，世間菩薩。地前菩薩復有二種：一者外凡。二者內凡。就內凡菩薩復有二種：一根熟。二者根未熟。今言善護念者。嘆如來善護地前姓種解行根熟菩薩。善付屬者。嘆付屬習種性中根未熟菩薩。此二種菩薩所以言護念付屬者。若如來不護念付屬者。此菩薩起心、發行。所觀境界容有錯謬退失。不能決定入於性地。乃至或時逕劫住世不能速入初地。故須如來護念付屬也。」 (T25, p. 803, a19-28) 吉藏《金剛般若疏》卷2：「問：根熟與未熟約何位耶？答：北地論師云。根熟菩薩即是內凡習種性之人。必能趣於初地名為根熟。若是外凡。未能必入於初地。名為未熟。」 (T33, p. 100, c20-23)

p. 292 line 2【資發】資熏擊發。資熏，資是資助，熏是熏習。發起現行是從因生出之義。阿賴耶識中本有無漏種子，雖有生果之能，若不得資、加二位，有漏諸善之資熏擊發，即不能生現。又如本識中善、染等種，能引次後自類種子，雖有生義，無自熏義。如穀麥等種，雖有生芽之能，若不得水土等資熏擊發，亦不能生其現行。本識雖有生種之能，然自力劣，須假六七識與熏方生。—《翻譯名義集》、《宗鏡錄》

p. 292 line -1【無上正等正覺】《阿彌陀經疏鈔》卷4：「【鈔】究竟極果。對下而言。名之無上。正觀真諦。對邪而言。名之曰『正』。等觀俗諦。對偏而言。名之曰『等』。亦名曰徧。覺者。靈明自心。『正覺』者。兼上正等二義。言此覺者。是無上正等之正覺也。良以蠢動含靈。皆有佛性。則菩提者。佛與眾生本來無二。無明所覆。遂成迷妄。是則邪覺。不名為正。聲聞辟支。止破見思。雖得菩提。其道未中。是則偏覺。不名為等。一切菩薩。已盡塵沙。未盡無明。雖得正等菩提。佛地猶遠。不名無上。惟佛一人。妄盡覺滿。如望夜月。更無有覺過於此者。名無上正等覺也。」(X22, p. 677, a10-19)

p. 293 line 7【圓三不退乃一生成佛異名】《阿彌陀經疏鈔》卷4：「【鈔】今但持佛名。蒙佛護念。於如是覺。即不退轉。言直至道場。終不再墮三有。中止化城。決定成佛也。大本法藏願云：聞我名已。於阿耨多羅三藐三菩提。有退轉者。不取正覺(唐譯47願)。又云。繇於此法不聽聞故。有一億菩薩退轉於阿耨多羅三藐三菩提。…阿鞞跋致。云不退者。正言於無上菩提不退轉耳。然前云。生彼國者皆得不退。此言聞經聞佛。皆得不退。則不待往生彼國。而未生以前。即已成就菩提善根。不可破壞。況復生彼而有退轉。復有二義；一者。見生不退。如上所明。二者。縱其少壽多障。不克往生。而乘此自執持力。佛護念力。必於來生菩提善根。亦不喪失。畢竟得生彼佛國土。如昔人謂。今生既下此等般若種子。縱未明了。纔出頭來。管取於般若中。現成受用。正此謂也。」(X22, p. 677, a19-b11)

p. 293 line -3【汝等皆當信解受持】《阿彌陀經疏鈔》卷4：「【鈔】汝等者。正指身子以及現前大眾。兼未來一切諸眾生等。良以一佛親宣。即當諦信。諸佛同讚。更復何疑。…復勸者。前六方中已勸當信是經。今復明言當信我語。良以不願。繇於不信。不信則起行無繇。故佛於此經重重勸信。如大本言。不信佛語者。乃惡道中來。餘殃未盡。愚癡不信。未當解脫。…【疏】信者。不疑之謂。受者。信已而領納不忘之謂。信而不受。猶弗信也。【鈔】信而不受。譬如有人。餽以異寶。雖知是寶。深信無疑。然拒之不納。信亦何益。故曰猶弗信也。」(X22, p. 677, c2-22)

p. 294 line 2【三勸】圓瑛《要解講義》：「第一番。在正宗第二科中。因聞說依正莊嚴。眾生者皆得不退。故初勸云。眾生聞者。應當發願。願生彼國 (p.224)。○第二番。在正宗第三科末。次聞念佛。一心不亂。臨終見佛。心不顛倒。即得往生。故重勸云。若有眾生。聞是說者。應當發願。生彼國土 (p.258)。○第三番。即本科 (p.294)。欲生彼國。有願必生。皆得不退佛果。故三勸云。若有信者。應當發願。生彼國土。而釋迦悲心特切。不憚重煩。再三勸諭。若不發願求生淨土。則辜負佛恩甚矣。」

p. 296 line 4【依四諦發四弘】結合淨土厭離、欣求二門—

依苦諦發眾生無邊誓願度：思惟觀察娑婆眾生三惡道苦、三界八苦、種種天災人禍等，而生起怖畏、厭離心，故發願決定要幫助眾生遠離諸苦。

依集諦發煩惱無盡誓願斷：思惟觀察三界苦報之因，在業與煩惱，若不斷因，果則不斷，故發願決定要幫助自他對治惑業；然最殊勝、最契機之法門是念佛往生極樂。

依道諦發法門無量誓願學：思惟觀察極樂上善，皆由信願念佛而生；西方淨土依正說法，無量道品、諸波羅蜜悉皆圓滿，故生欣求心，發願決定親近阿彌陀佛與諸上善人學習度眾生、成佛道之無上法門。

依滅諦發佛道無上誓願成：思惟觀察極樂所有眾生，決定不退、一生成佛；依正二報全體是佛之無上圓滿究竟萬德顯現，故生欣求發願，一心決定往生而成就阿耨多羅三藐三菩提。

p. 297 line -1【因果不離一心】《徹悟禪師語錄》卷1：「一切境界。唯業所感、唯心所現。即其現處。當體即心。凡在有心。不能無境。不現佛境。便現九界之境。不現三乘之境。便現六凡之境。不現天人鬼畜之境。便現地獄境界。佛及三乘所現境界…要皆受享法樂而已。三界諸天所現之境。但唯受用禪定五欲之樂。人道之境。苦樂相間。各隨其業。多少不同。鬼畜之境。苦多樂少。至於地獄。則純一極苦。如人夢中所見山川人物。皆依夢心所現。若無夢心。必無夢境。設無夢境。亦無夢心。故知心外無境。境外無心。全境即心。全心即境。若於因中察果。當須觀心。設於果處驗因。當須觀境。故曰未有無心境。曾無無境心。果必從因。因必克果。苟真知此心境因果一如不二之理。而猶不念佛求生淨土者。吾不信也。」「凡起一念。必落十界。…每起一念。為一受生之緣。果知此理。而不念佛者。未之有也。」「當密自檢點日用所起之念。與何界相應者多？與何界相應者猛？則他日安身立命之處。不勞更問人矣。」(X62, p. 333, a13-b4)